

# Виталий Колесников минъгън килограмм ноос зурагъасн давудж ъгв

Приютненск района Кировин нертӓ колхозин 1-ч бригадт ах хӧӧч болдж Колесников Виталий Федорович кӧдлнӓ. Олн джилин эргцд хӧӧнӓ ард дахсн Виталий Федорович, хӧд ягъдж хӓлӓдж асрдгиг меднӓ, гемтӓд одсн цагт ямаран болв чигн эв-аргъар эдгӓдж авна. Эн тустан сургъульта малин ичлӓ адлӓр хӧӧдин геминь иилгъдж меднӓ.

Кедж йовх кӧдлмштӓн кинӓн, ухан седклӓн ъгч кӧдлдг тӧлӓдӓн гурвн джилин эргцд, нег чигн гару угагъар хӓлӓджӓсн хӧӧдӓн авч гарв. 1957 джилд 1122 иргс ѱвлӓс менд авч гарч, хӧн болгънас 7 килограмм ноос авч, цуг хӧӧдӓсн 8127 килограмм ноос госуударствд орулдж ъгх даалгъвр бийдӓн авсмн.

Ўр Колесников ѱвлиг тӱрӱ угагъар ѳнъгрӱлхин кергт ѳмнӓсн хаша-хаацан, ус хадгълджах бассейн болн хуучн бӓӓсн бог-шеегинь арчдж цеврлв. Хӧд идх ѳвсинь боли девсгӱр кех солом кӱртл ѱвизнъгӱр ѳӧдж авч, белдвр кев.

Иигдж гӱджрдж, чиллӓн нӧл уга кӧдлсн Виталий Федоровичд ѱвл ӓӓмшг уга болв. Давсн ѱвл гӧнъгн болсн учрар, хӓлӓджӓсн хӧӧдӓн газр идӱлж, белддж авсн ѳвснӓннь ик зуугъинь ирх ѱвд ѱлдӓдж, нег чигн гару угагъар хӧӧдӓн сӓн чинӓтӓгъӓр авч гарв. Тер шундж кӧдлсн чинрнь ноос авлгънд чигн туста болв. Даадж авсн план деерӓн 1053 килограмм

ноос орулж ѳгч, цуг хӧӧнӓсн 9225 килограмм ноос колхозиннь нерн деерӓс госуударствд орулдж ѳгв.

Эн тоот кӱцӓнъгъӱ кӧдлмшин ашнь, бийинь амрадж, седклинь тӧвкнӱлджӓхш. Виталий Федорович цаарандан, ирх ѱвлиг энӱнӓсн деерӓр ѳнъгрӱлх деерӓн, ноос авлгъиг цааранднь икдӱлх эв-аргъ хӓӓдж, хӓрӱлдж бӓӓх хӧӧдӓн ясрулдж авхин кергт ѳрӱн шар нарнь герл газрт унад уга бӓӓтл хӧӧдӓн идӱлӓд, ѱдӓн халунла амрадж, асхнднь бӱрӱлин гегӓн тасрад, харнъгъу болтл идӱлдж йовна. Зӓрм сӧӧднь, сӧӧни дуусн хӓрӱлдж, цаглань услдж, амрана.

Хӧӧдин идг чилӓд ирм цацу, талдан сӓн идгтӓ газрур йовулдж идӱлнӓ. Хӓлӓмджӓн ѱнн седклӓн тӓвдж кӧдлджӓх Виталий Федоровичин гарт бӓӓх хӧд сӓӓнӓр таргълджацхана.

Ирх ѱвд белдвр кедж кошаран эргӓснь ясдж, хаджуднь бӓӓсн шег-богинь арчдж цевтрдж, хӧн болгънд 3 центнер ѳвс, 1,5 центнер силос белдӓд, ѱвизнъгӱр зӧӧджӓх деерӓн, кевтринь хӱӱрӓлх солом белдджӓнӓ.

Алдр Октябрьск социалистическ революцин 40-ч ѳӧнд нерӓддж авсн даалгъвран кӱцӓхӓр ик байрта кевӓр кӧдлдж йовна.

Эльдӓн Эрдни.